



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Additio Ad Qvæstiones Selectas in 1. 2. S. Thom. olim
impressas**

Requesenius, Josephus M.

Romæ, 1675

Sectio IV.

urn:nbn:de:hbz:466:1-38791

qui iure possent conqueri de Deo omnes damnati , quod eos creauerit , nec eripuerit è vita ante Iapsum personale , & similia , quæ sunt à veritate fidei dissentanea . cæterum non puto debere se conformare positivè huic voluntati reprobanti , sed ad summum ab ea positivè non discordare , ne iniuste videatur opponi recto ordini iustitiae diuinæ .

SECTIO IV.

An Deus in pœnam originalis possit denegare omnia auxilia sufficientia .

196 **C**ertum est denegatis semel auxilijs sufficientibus , non posse hominem peccare , nec transgressiones imputare illi posse ad culpam ex defectu potentiaæ essentia-liter requisitaæ ad peccandum , vt supra demonstratum est . Iam vero loquendo ex vi præsentis decreti dando redemptore in remedium pœccati originalis , & omnium actualium , existimo , ne de potentia quidem

dem absoluta, deneganda esse omnibus, & singulis adultis pollutibus usu rationis auxilia sufficientia ad vitanda peccata, & obtinendam salutem.

197. Præcipuum huius assertio-
nis fundamentum, sic propono. Deus
in eo signo, in quo præuidit pecca-
tum originale absolute futurum, vo-
luit omnes homines redimere, &
quantum est de se liberare, ac salua-
re per redemptionem exhibendam
a Christo, cuius passio destinabatur
a Patre ad finem redimendi lapsos,
ob idque inquit Paulus, *Christus pro
omnibus mortuus est*, & ipse Christus
Matth. 18. non est voluntas apud Pa-
trem vestrum, ut pereat unus de pu-
sillis istis, ergo non potest cum vo-
luntate redimendi, quamvis non
absoluta, denegare adultis ex vi so-
lius originalis auxilia sufficientia ad
salutem, & fructum redemptionis
acquirendum: consequentia proba-
tur; prudens volitio finis obligat
ad volitionem mediorum saltem
sufficientium, cum nemo, nisi im-

pru-

336 De effectibus

prudens, velit finem sine medijs sufficientibus ad illius affectionem; sed Deus voluit redemptionem omnium hominum, tamquam finem obtinendum per passionem Christi, & cooperationem redimendorum; ergo voluit media sufficientia, quibus possint cooperari. Vrgeo; pugnant hæ duæ volitiones, volo salutem, & nolo media ad salutem; vnde vbi non datur volitio mediorum, non datur volitio finis, sed Deus habet voluntatem saluandi omnes, iuxta illud Pauli, *vult omnes homines saluos fieri*, & i. ad Timoth. 4. *qui est Saluator omnium, maxime fidelium*, vbi apponens particulam maxime, non vero restrictiuam, tantum, includit etiam infideles, vt notat S. Prosper lib. 2. de vocat. Gentium cap. 31. & 32. ergo non potest habere volitionem non dandi media, seu auxilia sufficientia.

198 Eamdem assertionem, vt veram defendo, præscindendo à decreto redemptionis, ductus eadem ratione. Divina prouidentia ordinat

nat omnia in finem singulis naturis proportionatum , sed hæc ordinatio importat essentialiter collationem auxiliorum sufficientium ergo non datis auxilijs sufficientibus, quæ sunt media necessaria ad illius aſſecutionem , corrueret hæc ordinatio contra ſuppositionem : & ſane quemadmodum eſſet incongruum creare omnes naturas inanimes ſine ſuis virtutibus operatiuis , quibus confequuntur ſuum finem, quamvis oppofitum putet Ruiz de pot. abſol. disp. 9. de volunt. Dei ſect. 3. num. 5. & ſect. 7. ita & producere hominem in ſtatu ſiue puræ naturæ, ſiue eleuacionis ſine potentijſ ſufficientibus ad bene operandum iuxta ordinem ſui ſtatus ; & ratio vltior eſt , Deus producit hominem in ſtatu viatoris , non vero in ſtatu termini , aliter in primo instanti omnes eſſent in termino, ac proinde, vel beati, vel dannati , ſed via , vt demonſtrasse arbitror , importat in ſuo conceptu potentiam viatoris ad iter recte , vel male faciendum , ergo homo viator

P pol-

338 De effectibus
pollens usu rationis habet poten-
tiam sufficientem ad recte , vel male
ambulandum in via salutis , & hac
de causa verius puto , nec posse
Deum in pœnam originalis velle
mortem omnium hominum cum
solo originali ante usum rationis
nullum largiendo in ætate adulta
temporis spatium , quo possint ad
finem sibi consentaneum disponi ;
verius inquam , non solum quia non
possent puniri pœna sensus , vt supra
innui , sed etiam ne viderentur crea-
ri , non tam ad possessionem , quam
ad carentiam sui finis , quo , meo iu-
dicio , nil absurdius , ac indignius
diuina sapientia , omnia disponente
ad adipiscendum proprium finem .
Præterea infero , ex dictis , quod sicuti
Deus de facto non dedit iustis nem-
pe Angelis prædestinatis , & Adamo
in primo instanti statum termini ,
siempe beatitudinem indefectibilem ,
sine aliqua via , ita nec peccatoribus
statum termini , nempe damnatio-
nem , & consequenter tam iustis con-
tulit media , quibus , possent perseue-
ra-

rare in bono, quam peccatoribus, ut possint recedere à malo.

SECTIO V.

*An Deus ob solum originale potuisset
damnare totam naturam dengando omnia auxilia effacia.*

199 **N**on quæro, an ex vi originis queat integrum naturam æternis gehennæ cruciatibus mancipare, quia ex dictis ob solum originale, ne vnum quidem individuum meretur pœnam sensus. illud ergo hic solummodo inquiero, an possit Deus denegare siue omnibus creaturis innocentibus, vel saltem omnibus naturis lapsis, vel etiā utrifice omnia auxilia efficacia, sine quibus laberentur in peccata actualia, quæ sunt causa saltem proxima damnationis. Affirmat de natura lapsa Henricus cap. 4. §. 10. ver. certum dogma est, his verbis, euaserant omnes homines in Adamo natura filij iræ, subiecti potestati demonis, inimici Dei,